

ADVIS

no. 2

AVX TROIS ESTATS  
DE CE ROYAVME SVR  
LES BRVITS QVI COVRENT  
à present de la guerre Ciuille.

*Iouxte la copie imprimée à Bloys.*



A PARIS,

Chez PIERRE CHEVALIER rue S. Jacques  
prez les Mathurins à l'enseigne S. Pierre.

---

M. DC. XIV.

AVEC PERMISSION.

duplicate  
not  
cataloged

# ADVIS AVX TROIS ESTATS

de ce Royaume, sur les bruits qui courent à present de la guerre Ciuille.

**M**ESSIEURS, Il court maintenant vn bruit que Mouſeigneur le Prince de Cōdé mal ſatisfait de la Cour pour des cauſes ſecrettes, en eſt party, & s'eſt aſſocié avec d'autres Princes & Seigneurs de ce Royaume, & tous enſemble ſe ſont depuis peu de iours aſſemblez à Soiffons, d'où l'on publie par tout ( ie ne veux pas aſſeurer que ce ſoit de leur part ) car ie les cognoiſ treſtous, ayment trop leur honneur pour ſe forger legerement des meſcontentemens & ſe des-vnir en ceſte faiſon, qu'ils demandent entre autres choſes la deſtitution de quelques Officiers, la recherche des financiers, le ſoulagement du public, & vn meilleur ordre au maniment des finances & autres affaires du Roy, c'eſt vn pretexte digne de donner des ombrages, & auquel vn chacun de nous deuoit ouurir l'oreille & preſter ſon conſentement, puis que l'on dit qu'un premier Prince du ſang recherche que nous luy ayons cette obligation qu'il y veut intereſſer & meſmes ( comme il eſt tres-certain ) que noſtre neceſſité

ne peut quasi plus endurer de delay. La Frâce qui a iadis esté pour sa legitime liberté le mirouër des autres natiōs, est maintenant par vne diuine punition molestee de toutes sortes de subiectiōs: Mais qu'elle imprudence seroit-ce de s'embarquer dans des mauuais vaisseaux durant que le temps se prepare à l'orage et à la tempeste? et quel moyen de bien esperer de telles entreprises? puis que le Roy et la Royne Regēte qui sont nos pillotes ne le trouuent pas bon et en ont fait vne despeche à Messieurs les gouuerneurs des Prouinces que ie vous ay icy mise affin que vous y faictes consideration,

Ce 14. Febuier, 1614,

---

*AV CLERGE!*

**P**Remierement Messieurs les Ecclesiastiques, prenez garde à ceste despeche, il n'y a pas-vn de vous qui ne sçache de point en point les articles de la derniere Ligue pour ne vous parler de plus loing, qui fust faite par plusieurs Princes & au deceu du Roy à Peronne en l'annee 1584. lesquels estoient si specieux, plausibles, & fauorablement receus, & embrassés de tout le monde qu'il sembloit ( principalement à ceux de vostre ordre ) que l'Angede Dieu deuoit prōptement exterminer



celuy qui cōtrediroit à leur progrez. Qu'en est-il arrivé apres quatorze ans de guerre barbare & intestine & sans intermission, quelque prudence et despence que les Papes, le Consistoire, la pluspart des Princes del'Europe, et presque vn chacun de vous autres y ayez apporté, rien, comme vous sçavez, que l'advancement del'heresie, la demolition des Temples, plusieurs communantez priuees du seruice Diuin, le chastiment honteux de quelques Religieux, la mort precipitee des principaux chefs et auteur d'icelle, la pauureté de tout le Clergé de France par la vente de vostre tēporel, & vne telle confusio en l'administratiō de vos affaires par les Economes spirituels & temporels, pour les Situlaires absents, que les procez en durent encores au grand Cōseil, & ailleurs, C'est par miracle que ces malheurs sont passés & ont esté abolis, non sans estonnement, par la generosité du feu Roy d'heureuse memoire, qui a redressé les Autels, & remis la messe en vne douzaine des pl<sup>9</sup> fortes Villes de Frâce pour le moins, ou il y auoit trēte ans & plus qu'elle en estoit ostee, vo<sup>9</sup> mesmes auez esté remis en vos Benefices et Maisons, d'où le Canon vous auoit chassé, tous ces desordres estoient deriuez de ladite Ligue, source fatale de nos maux, qui

rendoit la France si debile, que si la Majesté eust tât soit peu flechy aux efforts qui luy ont esté faits à son aduenement à la Couronne, nous estions à present estrangers dans nostre patrie, mais sadite Majesté bien assistee du S. Esprit, & bien seruiue de ses bons seruiteurs, traita avec subiects desuoyez de son obeissance, & avec les estrangers és années 1596. & 98. à la conseruation duquel traitté il vous a singulierement obligez pour les raisons cy dessus, & pour vous y auoir compris autant fauorablement que vous auez peu desirer, tât pour vostre soulagement, que pour la continuation de vos authoritez & franchises. Or Messieurs en recompence des peines de ce grand Prince, il vous a laissé ce precieux thresor de la Paix, qu'il a acquise avec son propre sang en particulier de post, afin d'ayder de vostre part, comme premiers membres de ceste Monarchie Françoisise, à la cōseruer soigneusement, faites y donc vostre deuoir par vos pietez & bonnes instructions, en prenant le bas aage du Roy, pour vn tref-ample subiect d'exercer vostre fidelité, & rendant au fils l'amour que vous deuiez au Pere, rendez aussi à vostre pays, ce que vous luy deuez, imitant en zele & prudence vos deuanciers, afin qu'à vostre imitation vn chacun se puisse ranger à son deuoir.

*A LA NOBLESSE.*

**M**ESSIEURS de la Noblesse, honorez les Princes à cause de leur qualité qui est la plus apparente qui soit parmy les hommes, & si vous auez l'honneur d'estre bien auprès d'eux ne vous en retirez iamais, Si vous ne cognoissez clairement qu'ils vueille faillir & decliner à leur deuoir enuers le Roy leur souuerain Seigneur & le vostre, car en ce cas la necessité del'Estat vous dispence de vostre foy: Vous Messieurs qui estes le nerf de cet Estat la force & son bouclier: Vous estes vous bien trouuez durât ladite Ligue d'auoir couru toute la Frâce avec vos armes sur le dos & en la Cōpagnie des estrangers pour le soustien de quelques vns desdits Princes & pour leur seruice particulier, oubliant imprudemment celuy que vous deuiez à vostre Roy & à ceste Courōne, vostre honneur en est il acreur vous ou vos Enfans, vous estes vous esleuez aux premiers grades de l'Estat? vos noms en sont ils plus illustres? vos biens sont-ils augmētez, vos debtes sont elles aquitēs? n'auiez vous pas plustost empiré qu'amendé vostre conditiō? ceste derniere Paix cōcluë à Veruins au mois de May 1598. ne vous a elle pas fait repētir du passé & cognoistre notoiremēt qu'il n'ya que blasme, reproche, apprehension, & infamies

pour les rebelles & factieux, cela vous a aussi appris par experience qu'il n'y a infortune plus extrême & que l'on doive plus redouter que celle qui separe & esloigne les enfâs de l'obeissance du pere, & la noblesse de celle de s<sup>o</sup> Roy, Quand cela arriue, la Iustice diuine permet que les vengeances s'exercēt sans exceptiō d'age de parēté, ny de qualité, par inhumains assassins, dōt vne partie des principales races de vostre corps est esteinte, surprises, sieges, demolitions, & bruslement de maisons, rauissement, & violement de filles & fēmes, pillage de vos biēs, les cāpagnes delaissees en deserts & rougies de vostre sâg, la famine publicq; dōt la memoire nous est si fresche & presēte que si vous cognoissiez bien ce que vous estes & ce que vous pouuez, prenāt garde au passé & au present, il n'y a persuasion, pretexte ou ambition de qui viue, qui vous puissent iamais tromper ny faire oublier que la plus meschante condition des humains est d'auoir des disputes domestiques, & anatheme qui les suscitera. Ces Princes que vous auez tant aymés que vous auez suivis & couru si longuement leur fortune, ne vous ont-ils pas abandonés en faisāt leur accord avec le Roy, horsmis les abolitions qu'ils ont fait obtenir à quelques vns, ont ils eu autre soin de subuenir à tāt de ruynes que vo<sup>o</sup> aués souffertes en vos maisōs

par



par quelques honestes gratifications, Lors que vous auez eu affaire d'eux pour appaiser vos querelles dōt vous n'estes que trop fournis ou pour vos procez ciuils ou criminels ou quelques autres occasiōs, ne vous ont ils pas delaissez ou froidemēt assiste, si vous auez quelques foys recherché leur appuy aupres du Roy pour quelque Gouuernemēt, Capitainerie, Lieutenantie ou autres biens faits n'auuez vous pas esté plus cōtent de l'accūeil que sa Maiesté vous a fait, de sa franchise & liberté de parler a vous, de sa felicité à oūtroier vos demādes, que vous n'auuez esté satisfaits d'eux qui ne vous presentoiēt que par maniere d'acquit, en fin messieurs tel suport & amitié que vous auez eu cy deuant desdits Princes vous ne les deuez pas esperer autres à l'aduenir, Pourueu qu'ils cōtētēt leurs passions & qu'ils cherchent par vostre assistance leur fortune, ils n'ōt aucun soing de ce qu'il pourra arriuer en vostre particulier, ils vous caressent s'ils ont a vous employer, & si vous les priez ils vous meconnoissent, ils n'ont point d'Ange pour ouurir les portes lors que vous estes prisonniers pour l'amour d'eux, ils mettēt vos testes sur vn eschaffault pour garentir les leur. Vn Marechal de France grand Capitaine s'il en fut iamais y a mis depuis peu là siēne, pippé par des estrangers, que le Roy face confiscquer vos siez ils ne vous baillerōt pas de leur

bien en recompense du vostre perdu, vn premier President d'une Cour Souueraine est presque reduit à l'aumosne, lequel fait moins de pitié a ceux qui sont cause de sa pauureté qu'aux autres, outre ce que dessus representez vous Messieurs que le Roy est mineur, qu'il n'a que treize ans tantost accomplis, que vous estes les Tuteurs & conseruateurs naturels, & partāt que vostre seruice ne luy doit iamais manquer tāt en ceste cōsideratiō que pour l'estroite obligatiō qu'un chacun de vous doit auoir à la memoire de ce grād Capitaine le feu Roy son Pere, qui par sa vertu & courage incōparable a fait acquerir à la plus part de vous autres, les armes à la main en pleine campagne, a la veüe de Paris & ailleurs contre les rebelles & estrangiers, l'hōneur d'auoir esté le salut de vostre pays, soyez le encores maintenant selon les occurrences de peur que ce los ne perisse. Au reste puis qu'en nos actiōs priuees, nous ne voulons point de commandement expres n'y particulier de persōne en tout ce que nous voyons pour nous de l'vtilité & du profit estāt en cela maistres de nostre conduite, faites en de mesme, telmoignez vostre generosité sās attendre des prieres ou des remōstrances du Roy, & ve<sup>9</sup> gardez sur tout que quelque pretexte qu'il pourroit aduencer ne vous separe ou desbauche de vostre deuoir, voyez soigneusement la

lettre que la Royne regēte vous escrit & fuyez toutes autres recerches, cōme escueils trespereilleux, le sçay cōme vous, que nous auons à nous plaindre de ce que la vertu, l'expēiēce, les seruices & mesme la fidelité sōt sans estime & mal recōpenlez à cause de la venalite & cōmerce de toutes les charges de ce Royaume, qui est vn mesnage ou auarice que les guerres passees de la Ligue, du bien public, & de la reformatiō, en la conduite des affaires nous ont vallu, & en lçauuez tres bien la cause, toutesfois procedons en nos plaintes cōme nos predecesseurs nous ont appris, presentōs nous avec de treshumbles Requestes, lors que nous aurons l'honneur d'estre conuoquez, comme sa Majesté Regente nous en a fait l'ouuerture par ladicte lettre, & nous asseurons qu'elles seront volontiers veües & cōsenties par le Roy, sadiue Majesté Regente, & Nosseigneurs du Conseil, pourueu qu'elles soyent modestes & raisonnables: Ce n'est pas à nous à cōstituer vne reformation ou vn soulagement, mais a le requerir & desirer, & suiuañ ce chemin nous ne pourrons iamais nous fouruoyer.

---

### AV PEUPLE.

**P**EUPE, Je vous diray que l'obligation que i'ay a leurs Majestez pour leurs grati-



fications, ne m'a fait ny au Clergé, ny à la Noblesse, ny à vous autres, escrire toutes les precedentes & subsequentes considerations: Car pour ma fortune: *Collocatus sum in obscuris sicut mortui seculi*: : ains comme subiect tres-humble de leurs Maiestez, Inthimement affectionné à ma patrie, & aprehendant que nous ne soyons à l'aduenir, comme nous auõs iadis esté la rifee & la pitié de tous nos voyfins, & mesmes des Barbares, m'ont induit à contribuer à la continuation de la paix, ce qu'un bon & naturel François y doit: Vous escoutez attentivement tout ce qui ce dit des affaires d'aujourd'huy, & apprehendez grandement les allarmes que l'on vous en dõne, ie vous assure que c'est avec raison, & vous aduise que vous y estes les plus interessez, & si vous ne trauallez à bon escient à esteindre ce feu tandis qu'il s'allume ou qu'il se couue, vous en serez les premiers embrasez, & seruirez s'il croist d'auentage comme vous auez autresfois faict, de matiere pour le faire durer: Iugez tous les inconueniens qui en peuuent arriuer, & vous assurez que comme peuple vous serez aux champs & dãs les Villes la butte ou se frapperõt les coups de collere & d'insolence, de l'amy & de l'ennemy, du François & de l'Estranger, souuenez vous que le mespris que vous auez fait par le passé de l'autorité Royale, le respect & la creâce que vous auez



euë aux chefs de party qui vous auoient fermé les yeux & subornez par leurs blandices & pretexte de Religiõ ou de bien publicq, & nous auoiët prodigieusement diuisez, ontourny dargumēt a toutes les Tragedies qui se sont passees en France & a nostre veuë, dont il vous est demouré comme aux autres par leur longueur & vostre opiniatreté des playes tres malaisees a guerir, auxquelles il y a neantmoins quelque amandement par les salutaires remedes qui y ont esté appliquez par le feu Roy tres excellent Medecin, d'auoir comme il a fait, sauué la vie à nostre pais, & recouuert comme grand Capitaine cette Monarchie perdue, lesquels cõtinueront si Dieu plaist par sa Maiesté, si seulement vous demeurez constamment ses fidelles subiets & seruiteurs & pour vous y astringre tousiours d'auantage, representez vous deuant les yeux vos miseres passees, les labeurs infinis, les perils, & la clemence de Henry III. duquel l'on peut dire,

*Queris Henrico parem  
Nemo est nisi ipse.*

Et que L O V I S son Fils n'a fait nul desplaisir à aucun de vous autres, & lequel pour nostre bonheur approche de l'aage qu'il pourra faire du bien a tout le monde, & se faire craindre, & punir les seditieux : Ce faisant vous quitterez bien tost les armes que vous auez à la main qui

ne vous font que desbaucher de vostre travail  
& aduortrez les desseings qu'on pourroit tor-  
mer sur vostre facilité & inconstâce accoustu-  
mee, il c'est offert des occasiōs d'alterer la paix  
depuis la deplorable mort de ce grand Prince  
Henry IV. que Dieu absolue : si la Roynie  
Regente ne si fust courageusement & sagemēt  
opposee, iusques a present nous en sōmes en  
possession par ton soing & vigilance, ne soiez  
pas de vostre part si inconfiderez d'en perdre la  
iouissance, & tous ensemble renōçans a routes  
mauuaises pratiques rendōs nous capables du  
repos ou nous sōmes, acquis par tant de sang,  
Premierement par nos bonnes prieres enuers  
Dieu, affin qu'il conserue le Roy, duquel par  
moyēs humains deppēd le salut de nous tous,  
par correction de nostre vie, & puis après par  
vne obeissance & fidelité exemplaire enuers  
leurs Maiestés, affin que ce florissant Royaume  
ne se deschire ou dissipe de nostre tēps, & que  
nous ne soyōs point accusez par nostre poste-  
rité, d'auoir esté ministres ou adherans a de si  
pitoiables effets qui peuuēt arriuer d'vn renou-  
uellement de trouble, ou trop negligens cōme  
nous pourrions reprocher à nos peres de n'en  
auoir pas sceu arracher les racines des le com-  
mencemēt, Cōme vous voyez il ny eut iamais  
regēce plus exempte de guerre & moins gar-  
nye de teneurs de chemins pour empescher le

commerce & d'aller & venir seurement que ceste cy, ay dons trestous de cœ ur & d'entiere affection à la Maiesté regente, de continuer de bien en mieux, elle vous escrit la lettre suivante à laquelle vous vous arresterez sans chercher autre party.

---

*Aux Officiers de la Couronne.*

**V**OUS NOSSEIGNEURS les Officiers de la Couronne & de la iustice, qui estes l'œil, la bouche & la main de nostre Prince, & le piuoit del'Estat, donnez de bons Conseils à sa Majesté sur toutes les occurréces qui se presenteront, gardez bien de deffaillir à vous mesmes, faites exactement obseruer les Loix & Ordonnances de cette Monarchie, & chastiez par les mesmes Loix tous ceux qui y contreuiendront, sans exception n'y acception, car ordinairement la punition de quelques peruers & meschans, assurent les gens de bien, & vrais François, & donnent terreur aux autres.

The first thing I did was to go to the  
store and buy some of the things  
I needed. I went to the store and  
bought some of the things I needed.  
I went to the store and bought some of the things I needed.

I went to the store and bought some of the things I needed.  
I went to the store and bought some of the things I needed.

I went to the store and bought some of the things I needed.  
I went to the store and bought some of the things I needed.

I went to the store and bought some of the things I needed.  
I went to the store and bought some of the things I needed.

I went to the store and bought some of the things I needed.  
I went to the store and bought some of the things I needed.

I went to the store and bought some of the things I needed.  
I went to the store and bought some of the things I needed.

I went to the store and bought some of the things I needed.  
I went to the store and bought some of the things I needed.

I went to the store and bought some of the things I needed.  
I went to the store and bought some of the things I needed.